

Supervizor Gregorian posjetio zgradu Arhiva Brčko Distrikta i novi Dnevni centar za osobe s posebnim potrebama



Supervizor za Brčko dr Raffi Gregorian posjetio je danas novu zgradu Arhiva Brčko Distrikta i novi Dnevni centar za osobe s posebnim potrebama.

Za oba objekta je već mnogo godina postojala potreba i njihova izgradnja je kasnila, ali su sada oba spremna da uskoro budu stavljena u funkciju.

Ovom posjetom, supervizor je pokazao svoju zainteresiranost za napredovanje oba projekta kao pokazatelje efektivnog i trajnog funkcioniranja institucija Distrikta.

“Posebice sam zadovoljan što je u novom Dnevnom centru za osobe sa posebnim potrebama obezbjeđen Mentalno-rehabilitaciono-edukativni centar koji će biti sredina za učenje i razvoj za djecu i odrasle s posebnim potrebama ”, rekao je supervizor i dodao da će pomno pratiti kako se troše novčana sredstva koja su prikupljena novčanim kažnjavanjem članova Skupštine i Vlade putem naloga supervizora od 19. rujna i 8. listopada 2008. godine, za potrebe Dnevnog centra za osobe sa posebnim potrebama.